

慧日佛學班第 6 期（《大智度論》）

《大智度論》卷 40

〈釋往生品第四之下〉

（大正 25，348c-356b）

釋厚觀（2009.5.16）

〔參拾柒〕第三十七類菩薩：菩薩住般若，淨五眼（承前卷 39）

一、總標：行般若時淨五眼

二、別釋

（一）肉眼淨（卷 39）

（二）天眼淨（卷 39）

（三）慧眼淨（卷 39）

（四）法眼淨（卷 40）

【經】舍利弗白¹言：「世尊！云何菩薩摩訶薩法眼淨？」

1、菩薩法眼，知聲聞、辟支佛道（導師《大智度論筆記》〔A053〕p.91）

佛告舍利弗：「菩薩摩訶薩以法眼知是人隨信行、是人隨法行²、是人無相行³，是人

¹ 白+（佛）【宋】【元】【明】【宮】。（大正 25，348d，n.10）

² （1）《雜阿含經》卷 3（61 經）：「比丘！若於此法，以智慧思惟、觀察、分別、忍，是名隨信行；超昇離生，越凡夫地，未得須陀洹果，中間不死，必得須陀洹果。比丘！若於此法，增上智慧思惟、觀察、忍，是名隨法行；超昇離生，越凡夫地，未得須陀洹果，中間不死，必得須陀洹果。」（大正 2，16a8-11）

（2）另參見《雜阿含經》卷 29（821 經）（大正 2，210c24-26），卷 33（936 經）（大正 2，240a27-b5）；《大毘婆沙論》卷 54（大正 27，279b16-280a13）。

³ （1）《大毘婆沙論》卷 105：「於見道說無相聲者，如說：『目連！不說第六無相住者。云何第六無相住者？謂隨信行、隨法行者，不可施設在此在彼，不可施設在苦法智忍乃至在道類智忍故。』問：何故見道說名無相？答：見道速疾不越期心，不可施設此彼相故。」（大正 27，541c25-542a1）

（2）另參見印順法師著《空之探究》（p.42- p.44）：

《大毘婆沙論》卷 40（大正 27，209b）說：「大目乾連！底沙梵天不說第六無相住者耶？……若有苾芻，於一切相不復思惟，證無相心三摩地具足住，是名第六無相住者。」論中廣引經文（應是有部的《增壹阿含經》）：底沙梵天對大目乾連說：部分的梵眾天，能夠知道誰是俱解脫，……誰是信勝解。目乾連告訴了如來，如來以為：「一切聖者，總有七人」。底沙梵天從俱解脫說到了信勝解，只說了五人，沒有說第六無相住者。無相住者是證得無相心三摩地具足住的，這是梵天所不能知道的；這與諸天主不知強梁禪是依何而禪定一樣。佛所說的第六無相住者，《大毘婆沙論》解說為：「一切聖者，總有七人」，底沙已說了五人，所以無相住者，就是隨法行與隨信行人。隨法行與隨信行，是見道位。見道位有十五心，是速疾道，是微細道，不可安立施設，所以隨法行與隨信行，綜合名為無相住者。《毘婆沙論》所引經文，見於《增支部》，但略有不同。底沙梵天說了六人——俱解脫……隨法行，沒有說第七無相住補特伽羅（《增支部》「七集」（日譯南傳 20，p.326-p.328），那末第七無相住人，是專指隨信行人了。

為什麼隨信行人，特別名為無相住人呢？關於經說的第六無相住人，《大毘婆沙論》說到：「有於彼經不了其義，便執緣滅諦入正性離生，見道名為無相住故，唯滅諦中無諸相故。」這是法藏部的見解，如《阿毘達磨大毘婆沙論》卷 185（大正 27，927c）說：

行空解脫門、是人行無相解脫門、是人行無作解脫門；得五根，得五根故得無間三昧，得無間三昧故得解脫智，得解脫智故斷⁴三結——有眾見、疑、齋戒取，是人名為須陀洹；是人得思惟道，薄婬恚癡，當得斯陀含；增進思惟道，斷婬、恚⁵，得⁶阿那含；增進思惟道，斷色染、無色染、無明、慢、掉，得阿羅漢；是人行空、無相、無作解脫門，得五根，得五根故得無間三昧，得無間三昧故得解脫智，得解脫智故知所有集法皆是滅法，作辟支佛——是為菩薩⁷法眼淨。

2、知菩薩種種道 (導師《大智度論筆記》〔A053〕p.91)

※ 知「行六度乃至不墮二乘」

「復次，舍利弗！菩薩摩訶薩知是菩薩初發意行檀波羅蜜乃至行般若波羅蜜，成就信根、精進根，善根純厚；用方便力故，為眾生受身——若(349a)生刹利大姓，若生婆羅門大姓，若生居士大家；若生四天王天處乃至他化自在天處；是菩薩於其中住，成就眾生，隨其所樂，皆給施之；亦淨佛世界，值遇諸佛，供養、恭敬、尊重、讚歎，乃至阿耨多羅三藐三菩提，亦不墮聲聞、辟支佛地⁸——是為菩薩摩訶薩法眼淨。

※ 知「退不退乃至有魔無魔」

「復次，舍利弗！菩薩摩訶薩如⁹是⁽¹⁾知是菩薩於阿耨多羅三藐三菩提退、知是菩薩於阿耨多羅三藐三菩提不退，⁽²⁾知是菩薩受阿耨多羅三藐三菩提記、知是菩薩未受阿耨多羅三藐三菩提記，⁽³⁾知是菩薩到阿鞞跋致地、知是菩薩未到阿鞞跋致地，⁽⁴⁾知是菩薩具足神通、知是菩薩未具足神通；知是菩薩已具足神通，飛到十方如恒河沙等世界，見諸佛供養恭敬，尊重讚歎；⁽⁵⁾知是菩薩未得神通、當得神通；⁽⁶⁾知¹⁰是菩薩當淨佛世界、未¹¹淨佛世界，⁽⁷⁾是¹²菩薩成就眾生、未成就眾生，⁽⁸⁾是菩薩為諸佛所稱譽、所不稱譽，⁽⁹⁾是菩薩親近諸佛、不親近佛，⁽¹⁰⁾是菩薩壽命有量、壽命無量；⁽¹¹⁾是菩薩得佛時，比丘眾有量、比丘眾無量；⁽¹²⁾是菩薩得阿耨多羅三藐三菩提時，以菩薩為僧、不以菩薩為僧；⁽¹³⁾是菩薩當修苦行難行、不修苦行難行，⁽¹⁴⁾是菩薩一生補處、未一生補處，⁽¹⁵⁾是菩薩受最後身、未受最後身，⁽¹⁶⁾是菩薩能坐道場、不能坐道場，⁽¹⁷⁾是菩薩有魔、無魔。如是，舍

「有說：唯無相三摩地，能入正性離生，如達摩龜多部說。彼說以無相三摩地，於涅槃起寂靜作意，入正性離生。」

入正性離生，就是見道。依經典明文，隨信行人等所以被名為無相住者，是由於「於一切相不復思惟，於無相心三摩地具足住」，而不是《大毘婆沙論》所說那樣的。

案：七聖者——俱解脫、慧解脫、身證、見至、信勝解、隨法行、隨信行。

⁴ (常) + 斷【元】【明】。(大正 25, 348d, n.11)

⁵ 恚 + (癡)【明】。(大正 25, 348d, n.12)

⁶ 當 + 得【元】【明】。(大正 25, 348d, n.13)

⁷ 薩 + (摩訶薩)【元】【明】。(大正 25, 348d, n.15)

⁸ 小乘行位。(導師《大智度論筆記》〔F040〕p.374)〔參見本品講義末頁附表〕

⁹ [如是] - 【元】【明】。(大正 25, 349d, n.1)

¹⁰ [知] - 【宋】【元】【明】【宮】。(大正 25, 349d, n.5)

¹¹ 未 = 不【宋】【元】【明】【宮】。(大正 25, 349d, n.6)

¹² (知) + 是【元】【明】。(大正 25, 349d, n.7)

利弗！是為菩薩摩訶薩法眼淨。」

【論】釋曰：

(1) 次第學法眼 (導師《大智度論筆記》[A053] p.91)

菩薩摩訶薩初發心時，以肉眼見世界眾生，受諸苦患，心生慈愍；學諸禪定，修得五通，以天眼遍見六道中眾生受種種身心苦，益加憐(349b)愍故¹³，求慧眼以救濟之。得是慧眼已，見眾生心相種種不同，云何令眾生得是實法，故求法眼——引導眾生令入法中，故名「法眼」。

(2) 知二乘道——小乘行位：行證斷 (導師《大智度論筆記》[A055] p.93)

A、釋「隨信行、隨法行、無相行」 (導師《大智度論筆記》[A055] p.93)

所謂是人隨信行，是人隨法行，初入無漏道。

鈍根者，名隨信行——是人初依信力故得道，名為隨信行。

利根者，名隨法行——是人分別諸法故得道，是名隨法行。

是二人，十五心中亦名為無相行。

過是已往，或名須陀洹，或名斯陀含，或名阿那含。

十五心中疾速，無人能取其相者，故名無相。¹⁴

B、釋「三解脫門」¹⁵

有人無始世界來，性常質直，好樂實事者；有人好行捨離者；有人世世常好善寂者。

好實者，用空解脫門得道，以諸實中空為第一故。

好行捨者，行無作解脫門得道。

好善寂者，行無相解脫門得道。

C、釋「得五根」

問曰：何以說「得五根¹⁶」？

答曰：有人言：一切聖道名為五根，五根成立故。八根雖皆是善¹⁷，而三無漏根無有別異，¹⁸以是故但說五根。

¹³ 故+ (故)【宋】【元】【明】【宮】。(大正 25, 349d, n.9)

¹⁴ 「此見道十五心速疾故，二乘不知、唯佛能覺」，參見《大智度論》卷 2 (大正 25, 72a2-7)、卷 26 (250b4-8)。

見道十五心：苦法忍、苦法智、苦類忍、苦類智，集法忍、集法智、集類忍、集類智，滅法忍、滅法智、滅類忍、滅類智，道法忍、道法智、道類忍。

¹⁵ 大解：為三種根性行「三解脫門」。(導師《大智度論筆記》[A049] p.85)

¹⁶ 根+ (成)【元】【明】。(大正 25, 349d, n.13)

五根：信根、精進根、念根、定根、慧根。

¹⁷ 八根皆是善：信根、精進根、念根、定根、慧根、未知當知根、已知根、具知根。

參見《大毘婆沙論》卷 144：「此二十二根，幾善？幾不善？幾無記？答：八善，八無記，六應分別。八善者，謂信等五、三無漏根。八無記者，謂七色、命根。六應分別者，謂意、五受。」(大正 27, 740a28-b2)

案：二十二根——眼根、耳根、鼻根、舌根、身根、女根、男根、命根、意根、樂根、苦根、喜根、憂根、捨根、信根、精進根、念根、定根、慧根、未知當知根、已知根、具知根。

¹⁸ 參見《大智度論》卷 23〈1 序品〉：「若五根清淨變為無漏，三根中已攝。」(大正 25, 234c11-12)

是十結於三界四諦所斷，分別有八十八。²⁷

E、二乘聖果

「須陀洹乃至辟支佛」，分別聲聞、辟支佛道，如先說。²⁸

(3) 知菩薩行道

菩薩法眼有二種²⁹：一者、分別知聲聞、辟支佛方便得道門，二者、知菩薩方便行³⁰道門。聲聞、辟支佛事³¹先已處處說，今當分別菩薩法。

A、釋「成就信根、精進根，用方便力故，為眾生受生」

若菩薩知是菩薩深行六波羅蜜，薄諸煩惱故，用信根、精進根及方便，為度眾生故受身。是菩薩生死肉身，未得法性神通法身，³²以是故不說三根³³，未離欲故。今世行布施功德，信根、精進根，後世生刹利大姓乃至他化自在天——先知因，後知果。

B、釋「退不退乃至有魔無魔」

(A) 退、不退

復次，「是菩薩不退」者，如先說「不退轉相」，³⁴亦如後〈阿鞞跋致品〉³⁵中說；與此相違，名為「退」。

(B) 受記、未受記

不退菩薩有二種：一者、受記，二者、未受記。³⁶如《首楞嚴三昧》四種受記中

²⁶ 餘四結：貪、瞋、慢、無明。

²⁷ (1) 煩惱：三結與八十八使相攝。(導師《大智度論筆記》[D002] p.242)

(2) 《阿毘達磨法蘊足論》卷 3〈4 沙門果品〉：「所言無為預流果者，謂於此中三結永斷，及彼種類結法永斷，即是八十八諸隨眠永斷。」(大正 26, 464c24-25)

(3) 見惑八十八使：**欲界三十二使**——欲界苦諦下十種煩惱(貪、瞋、痴、慢、疑、身見、邊見、邪見、見取見、戒禁取見)，欲界集諦、滅諦下各七種煩惱(除身見、邊見、戒禁取見)，欲界道諦下八種煩惱(除身見、邊見)；**色界、無色界各二十八使**——上二界苦諦下各九種煩惱(除瞋)，上二界集諦下各六種煩惱(除瞋、身見、邊見、戒禁取見)，上二界滅諦下各六種煩惱(除瞋、身見、邊見、戒禁取見)，上二界道諦下各七種煩惱(除瞋、身見、邊見)。

案：身見與邊見是有情的依身(只在苦諦生起的妄見)故，於集、滅、道三諦是不會生起的。又戒禁取見是修行的道因(道諦)故亦不會於集、滅二諦中生起。色界、無色界是禪定相應地，故不起瞋恚。

²⁸ 辟支佛與聲聞之區別，參見《大智度論》卷 28 (大正 25, 266c6-16)，卷 18 (191a22-b18)。

²⁹ 二種法眼。(導師《大智度論筆記》[A053] p.91, [J044] p.531)

³⁰ 行=得【宋】【元】【明】【宮】。(大正 25, 349d, n.21)

³¹ [事]—【宋】【元】【明】【宮】。(大正 25, 349d, n.22)

³² 二種菩薩：生死肉身，法性神通法身。(導師《大智度論筆記》[C012] p.205)

³³ 三根：念根、定根、慧根。

³⁴ 不退轉相，參見《大智度論》卷 27 (大正 25, 263a22-264a12)。

³⁵ 參見《大智度論》卷 73〈55 阿毘跋致品〉(大正 25, 570a19-574c7)，卷 73-74〈56 轉不轉品〉(大正 25, 574c9-580b1)。

³⁶ 「退

菩薩├ 不退├ 未受記

└ 已受記 (導師《大智度論筆記》[F040] p.374)

說。³⁷

(C) 具足神通、不具足神通

「具足神通」者，於十方恒河沙世界中，一時能變化無量身，供養諸佛、聽法，說法度眾生。如³⁸是等，除佛無能及者，是為末後身菩薩；與此相違者，名「不具足」。

復次，各各自地中無所少，名為「具足」；各各地中未成就，是「不具足」。

(D) 得神通、未得神通³⁹

「得神通」有二種：有用者，有⁴⁰不用者。

「未得神通」者，有菩薩新發意故，未得神通；或未離欲故、懈怠心故、行餘法故，是為「未得」。

與上相違，是為「得」。⁴¹

(E) 淨佛世界、未淨佛世界

「淨佛世界，未淨世界」，如先說。⁴²

(F) 成就眾生、未成就眾生⁴³

「成就眾生」者有二種：有先自成(350a)功德，然後度眾生者；有先成就眾生，後自成功德者。⁴⁴

如寶華佛欲涅槃時，觀二菩薩心——所謂彌勒、釋迦文菩薩——彌勒菩薩自功德成就，弟子未成就；釋迦文菩薩弟子成就，自身未成就。成就⁴⁵多人難，自成則易。作是念已，入雪山谷寶窟中，身放光明。是時釋迦文菩薩見佛，其心清淨，一足立，七日七夜，以一偈讚佛；以是因緣故，超越九劫。⁴⁶如是等，知成就眾生、不成就眾生者。


³⁷ 《佛說首楞嚴三昧經》卷下：「菩薩授記凡有四種。何謂為四？有未發心而與授記，有適發心而與授記，有密授記，有得無生法忍現前授記——是謂為四。唯有如來能知此事，一切聲聞、辟支佛所不能知。」(大正 15, 638c13-17)

³⁸ [如] — 【宋】【元】【明】【宮】。(大正 25, 349d, n.26)

³⁹ 六通〔五通〕：菩薩得不得神通。(導師《大智度論筆記》〔A051〕p.89)

⁴⁰ [有] — 【宋】【元】【明】【宮】。(大正 25, 349d, n.28)

⁴¹



⁴² 參見《大智度論》卷 32 (大正 25, 302b15-c10)，卷 33 (大正 25, 306b28-c4)。

⁴³ 二種成就眾生。(導師《大智度論筆記》〔J044〕p.531)

⁴⁴ 菩薩成就眾生：有先自成，有先成他。(導師《大智度論筆記》〔F041〕p.375)

⁴⁵ [就] — 【宋】【元】【明】【宮】【石】。(大正 25, 350d, n.2)

⁴⁶ (1) 參見《大智度論》卷 4 (大正 25, 87b24-c27)，《大毘婆沙論》卷 177 (大正 27, 890b5-27)。

(2) 本生：讚弗沙佛超彌勒九劫。(導師《大智度論筆記》〔H013〕p.401)

(3) 釋尊讚弗沙佛，超越九劫。(導師《大智度論筆記》〔I030〕p.439)

(G) 諸佛稱譽、諸佛不稱譽

「諸佛稱譽」，如先說；⁴⁷與此相違，名為「不稱譽」。

(H) 是否親近諸佛，壽命有量無量，比丘僧有量無量，是否以菩薩為僧，修不修苦行難行

「親近諸佛」⁴⁸、「無量壽命」⁴⁹、⁵⁰、「無量比丘僧、純菩薩為僧」⁵¹、「不修苦行」⁵²，如〈初品〉末說。

(I) 一生補處、未一生補處

「一生補處」者，或以相知者——如阿私陀仙人觀其身相，知今世成佛。⁵³珊若婆羅門見乳糜，知今日成佛者應食。如遍吉菩薩⁵⁴、觀世音菩薩、文殊師利菩薩等，見是菩薩如諸佛相，知當成佛。如是等。

(J) 坐道場、不能坐道場

「坐道場」者，有菩薩見菩薩行處，地下有金剛地持是菩薩；又見天龍鬼神持種種供養具，送至道場，如是等，知坐道場。

(K) 有魔、無魔

「有魔」者，宿世遮他行道及種種求佛道因緣，不喜行慈，好行空等餘法——如是等因緣，以宿世破他行道，故有魔破壞。

※ 因論生論——何以末後身菩薩受惡業報，有魔來壞

問曰：云何末後身菩薩受惡業報、為⁵⁵魔來壞？

答曰：菩薩以種種門入佛道——或從悲門，或從精進、智慧門入佛道。

是菩薩行精進、智慧門，不行悲心，好行精進、智慧故。譬如貴人，雖有種種好衣，或時著一，餘者不著；菩薩亦如是，修種種行以求佛道，或行精進、智慧道，**息慈悲心**。⁵⁶

破行道者，增上慢故。

諸長壽天、龍、鬼神不(350b)識方便者，見作惡行因緣，若不受報，生斷滅見，是故佛現受報。

是故雖無罪因緣實魔來，以方便力故現有魔。⁵⁷

(4) 結

⁴⁷ 諸佛稱譽，參見《大智度論》卷 30 (大正 25, 282c-283c10)。

⁴⁸ 親近諸佛，參見《大智度論》卷 29 (275c1-276b19)。

⁴⁹ [命] — 【宋】【宮】。(大正 25, 350d, n.3)

⁵⁰ 無量壽命，參見《大智度論》卷 34 (311c18-312b21)。

⁵¹ 無量比丘僧，純菩薩為僧，參見《大智度論》卷 34 (311b19-c17)。

⁵² 修不修苦行，參見《大智度論》卷 34 (311a15-20)。

⁵³ 參見《大智度論》卷 21 (大正 25, 219c16-29)。

⁵⁴ 遍吉菩薩，即普賢菩薩。

⁵⁵ 為=有【宋】【元】【明】【宮】。(大正 25, 350d, n.5)

⁵⁶ (1) 菩薩行位——行：或時行一，不行其餘，非謂不具。(導師《大智度論筆記》[A042] p.79)

(2) 有偏悲門，有偏智勤〔有而用一〕。(導師《大智度論筆記》[D030] p.279)

⁵⁷ 佛德——能降力：有魔(障它行道故，不喜行慈故，好行空法故：皆空方便偏勝門)示現，或無魔(悲增者)。(導師《大智度論筆記》[C002] p.183)

如是等一切聲聞、辟支佛、諸⁵⁸菩薩種種方便門，令眾生入道，是名「法眼淨」。

【經】

〔五〕佛眼淨

舍利弗白佛言：「世尊！云何菩薩摩訶薩佛眼淨？」

佛告舍利弗：「有菩薩摩訶薩求佛道心，次第入如金剛三昧，得一切種智。爾時，成就十力、四無所畏、四無礙智、十八不共法、大慈大悲。是菩薩摩訶薩用一切種⁵⁹，一切法中，無法不見，無法不聞，無法不知，無法不識。舍利弗！是為菩薩摩訶薩得阿耨多羅三藐三菩提時佛眼淨。

〔六〕結成

「如是，舍利弗！菩薩摩訶薩欲得五眼，當學六波羅蜜。何以故？舍利弗！是六⁶⁰波羅蜜中，攝一切善法——若聲聞法、辟支佛法、菩薩法、佛法。⁶¹

「舍利弗！若有實語，能攝一切善法者，般若波羅蜜是。⁶²

「舍利弗！般若波羅蜜能生五眼；菩薩學五眼者，得阿耨多羅三藐三菩提。⁶³

【論】釋曰：

1、佛眼（導師《大智度論筆記》〔A053〕p.91）

〔1〕出體（導師《大智度論筆記》〔A053〕p.91）

菩薩住十地中，具足六波羅蜜乃至一切種智。菩薩入如金剛三昧，破諸煩惱習，即時得諸佛無礙解脫，即生佛眼，所謂一切種智、十力、四無所畏、四無礙智乃至大慈大悲等諸功德，⁶⁴是名「佛眼」。

※ 因論生論：見物、智慧為眼相，云何大慈悲等亦名為「眼」

問曰：智慧、見物是眼相，云何大慈悲等名為「眼」？

答曰：

A、與慧眼相應故，通名為眼

諸功德皆與慧眼相應故，通名為眼。

B、慈悲與畢竟空慧相應故，亦名為眼

復次，慈悲心有三種：眾生緣、法緣、無緣。⁶⁵

⁵⁸〔諸〕－【宋】【元】【明】【宮】。（大正 25，350d，n.8）

⁵⁹種＋（智）【元】【明】。（大正 25，350d，n.9）

⁶⁰〔六〕－【石】。（大正 25，350d，n.10）

⁶¹六度攝一切善法：聲聞法，辟支佛法，菩薩法，佛法。（導師《大智度論筆記》〔A042〕p.81）

⁶²般若攝一切善法。（導師《大智度論筆記》〔D005〕p.246）

⁶³《大般若波羅蜜多經》卷 404〈觀照品〉：「舍利子！有問如來應正等覺：以實而言，何法能攝一切善法？佛正答言：所謂般若波羅蜜多。何以故？此般若波羅蜜多是一切善法之母，能生五波羅蜜多及五眼等諸功德故。舍利子！若菩薩摩訶薩欲得清淨五眼，當學般若波羅蜜多。若菩薩摩訶薩欲得阿耨多羅三藐三菩提，當學如是清淨五眼。舍利子！若菩薩摩訶薩能學如是清淨五眼，定得阿耨多羅三藐三菩提。」（大正 7，22c10-18）

⁶⁴菩薩行位——十地菩薩修行：住十地，具足六度，入如金剛三昧，破煩惱習，得諸佛無礙解脫，一切種智。（導師《大智度論筆記》〔A042〕p.81）

⁶⁵參見《大智度論》卷 20（大正 25，209a6-c28），卷 27（大正 25，257b25-26）。

凡夫人，眾生緣；聲聞、辟支佛及菩薩，初眾生緣，後法緣；諸佛善修行畢竟空，故名爲無緣⁶⁶——是故慈悲亦名佛眼。

(2) 出用 (導師《大智度論筆記》[A053] p.91)

A、佛眼無法不見、無法不聞、無法不知、無法不識

已說佛眼，今說佛眼所用：是眼無(350c)法不見、不聞、不知、不識。

B、一切菩薩皆不及佛

復次，有人謂十住菩薩與佛無有差別，如遍吉、文殊師利、觀世音等，具足佛十力功德等而不作佛，爲廣度眾生故；是故生疑。以是故說佛眼相——十方眾生及諸法中，無不見、無不聞。是諸菩薩，於餘菩薩爲大，比於佛不能遍知；如月光明雖大，於日則不現。⁶⁷

(3) 釋疑

A、眼應以「見」爲用，云何說「聞」

問曰：眼爲見相，云何說「聞」？

答曰：眾生智慧，從六情生，知六塵。人謂佛有所不聞，如外經書中言⁶⁸或有所不聞；是故佛智慧無所不聞。

又耳識因緣生智慧，智慧所知⁶⁹，言「無法不聞」。

B、「眼等六識」配對「見聞覺識」四分⁷⁰

問曰：何以故三識所知合爲一，三識所知別爲三——眼名爲「見」，耳名爲「聞」，意知名爲「識」，鼻、舌、身識名爲「覺」？

答曰：

(A) 約助道法多寡說

是三識⁷¹助道法多，是故別說；餘三識⁷²不爾，是故合說。

(B) 約知世間、知出世間說

是三識⁷³但知世間事，是故合爲一；餘三⁷⁴亦知世間，亦知出世間，是故別說。

(C) 約緣善、不善、無記說

復次，是三識⁷⁵但緣無記法；餘三識⁷⁶或緣善，或緣不善，或緣無記。

(D) 約生三乘因緣說

⁶⁶ 四無量心：修行畢竟空故名爲無緣。(導師《大智度論筆記》[F001] p.326)

⁶⁷ 佛、法身菩薩之別：如日月喻。(導師《大智度論筆記》[C015] p.211)

⁶⁸ [言] — 【宋】【元】【明】【宮】。(大正 25, 350d, n.14)

⁶⁹ 知+ (故)【石】。(大正 25, 350d, n.15)

⁷⁰ 見聞覺知：四說(義)。(導師《大智度論筆記》[A060] p.102)

⁷¹ 是三識：眼識、耳識、意識。

⁷² 餘三識：鼻識、舌識、身識。

⁷³ 是三識：鼻識、舌識、身識。

⁷⁴ 餘三：眼識、耳識、意識。

⁷⁵ 是三識：鼻識、舌識、身識。

⁷⁶ 餘三識：眼識、耳識、意識。

復次，是三識⁷⁷能生三乘因緣，如眼見佛及佛弟子，耳聞法，心籌量、正憶念——如是等種種差別。以是故，六識所知事分爲四分。

(4) 五眼具缺、見不見 (導師《大智度論筆記》[A053] p.91)

一切種智者，

A、若具前四眼不名「無法不見聞覺識」

(A) 具一眼

(1) 如人眼見近不見遠，見內⁷⁸不見外⁷⁹，見麤不見細，見東不見西，見此不見彼，見和合不見散，見生時不見滅⁸⁰。

肉眼見，天眼不見：眼根成就，未離欲凡夫人故無天眼。

(2) **天眼見**，慧眼不見：凡夫人得天眼神通故，無慧眼。

(3) **慧眼見**，法眼不見：未離欲聲聞聖人，不知種種度眾生道故無法眼。

(4) **法眼見**，佛眼不見：菩薩得道種(351a)智，知種種度眾生道，未成佛故無佛眼。

(B) 具二眼

復次，

(1) **肉眼、天眼見**，慧眼、法眼、佛眼不見：凡夫人眼根成就，得天眼神通故，無慧眼、法眼、佛眼。

(2) **肉眼、慧眼見**，法眼、佛眼不見：眼根成就聲聞聖人；不知種種度眾生道故無法眼，聲聞人故無佛眼。

(3) **肉眼、法眼見**，佛眼不見：初得無生忍、未受法性生身菩薩，得道種智；未成佛故無佛眼。

(4) **天眼、慧眼見**，法眼、佛眼不見：離欲聲聞聖人得天眼神通；非菩薩故無道種智，無道種智故無法眼，聲聞人故無佛眼。

(5) **天眼、法眼見**，佛眼不見：得菩薩神通，知種種度眾生道；未成佛故無佛眼。

(6) **慧眼、法眼見**，佛眼不見：菩薩得無生法忍，得無生法忍已，能觀一切眾生得道因緣，以種種道而度脫之；未成佛故無佛眼。

(C) 具三眼

復次，

(1) **肉眼、天眼、慧眼見**，法眼、佛眼不見：眼根成就聲聞聖人得天眼神通；無道種智故無法眼，聲聞人故無佛眼。

(2) **天眼、慧眼、法眼見**，佛眼不見：法性生身菩薩，具六神通，以種種道度眾生；未成佛故無佛眼。

(D) 具四眼

⁷⁷ 是三識：眼識、耳識、意識。

⁷⁸ 內=外【宋】【元】【明】【宮】。(大正 25, 350d, n.18)

⁷⁹ (1) 外=內【宋】【元】【明】【宮】。(大正 25, 350d, n.19)

(2) 參見《大智度論》卷 33〈1 序品〉：「肉眼，見近不見遠，見前不見後，見外不見內，見晝不見夜，見上不見下；以此礙故，求天眼。」(大正 25, 305c19-21)

⁸⁰ 滅+(時)【宋】【元】【明】【宮】。(大正 25, 350d, n.22)

復次，肉眼、天眼、慧眼、法眼見，佛眼不見：初得無生法忍菩薩，未捨肉身，得菩薩神通，無生法忍、道種智具足；未成佛故無佛眼。如是等，不名「無法不見聞覺識」。

B、具佛眼方名「無法不見聞覺識」

若以佛眼觀諸法，是名「無所不見，無所不聞，無所不覺，無所不識」。

(5) 聞、覺、識對餘五塵，略明如前

「五塵」隨義分別，亦如是。

2、釋「般若能生五眼，菩薩學五眼得無上菩提」

三乘⁸¹等諸善法，是五眼因緣。諸善法皆⁸²六波羅蜜攝；是六波羅蜜，般若波羅蜜爲本。⁸³以是故說「般若波羅蜜能生五眼；菩薩漸漸學是五眼，不久(351b)當作佛。」

(參拾捌)第三十八類菩薩：菩薩住般若，得六通 (導師《大智度論筆記》〔F038〕p.372)

【經】

「舍利弗！有菩薩摩訶薩行般若波羅蜜時，修神通波羅蜜。

一、神足通

「以是神通波羅蜜，受種種如意事：能動大地；變一身爲無數身，無數身還爲一身；隱顯自在；山壁樹木，皆過無礙，如行空中；履⁸⁴水如地；凌⁸⁵虛如鳥；出沒地中，如出入水；身出烟炎，如大火聚；身中出水，如雪山水流；日月大德，威力難當，而能摩捫⁸⁶；乃至梵天，身得自在。亦不著是如意神通，神通事及己身皆不可得；自性空故、自性離故、自性無生故。不作是念：『我得如意神通。』除爲薩婆若心。如是，舍利弗！菩薩摩訶薩行般若波羅蜜時，得如意神通智證。

二、天耳通

「是菩薩以天耳淨，過於人耳，聞二種聲：天聲、人聲。亦不著是天耳神通，天耳與聲及己身皆不可得，自性空故、自性離故、自性無生故。不作是念：『我有是天耳。』除爲薩婆若心。如是，舍利弗！菩薩摩訶薩行般若波羅蜜時，得天耳神通智證。

三、他心通

「是菩薩如實知他眾生心：若欲心，如實知欲心；離欲心，如實知離欲心；瞋心，如實知瞋心；離瞋心，如實知離瞋心；癡心，如實知癡心；離癡心，如實知離癡

⁸¹ 乘=業【宋】【宮】。(大正 25, 351d, n.2)

三乘：聲聞乘、辟支佛乘、佛乘。

⁸² [皆]—【宋】【元】【明】【宮】。(大正 25, 351d, n.3)

⁸³ (1) 學般若之益：則爲遍學三乘，皆得善巧。(導師《大智度論筆記》〔E001〕p.286)

(2) 主歸般若行：六度，般若爲本，故但說般若。(導師《大智度論筆記》〔E003〕p.291)

⁸⁴ 履：踩踏，行走。(《漢語大詞典(四)》，p.55)

⁸⁵ 凌：升，登上。《文選·張衡〈東京賦〉》：“然後凌天池，絕飛梁，捎魑魅，斲獷狂，斬蛟蛇，腦方良。”薛綜注：“凌，升也。”(《漢語大詞典(二)》，p.414)

⁸⁶ 捫：撫摸。(《漢語大詞典(六)》，p.724)

心；渴愛心，如實知渴愛心；無渴愛心，如實知無渴愛心；有受心，如實知有受心；無受心，如實知無受心；攝心，如實知攝心；散心，如實知散心；小心，如實知小心；大心，如實知大心；定心，如實知定心；亂心，如實知亂心；解脫心，如實知解脫心；不解脫心，如實知不解脫心；有上心，如實知有上心；無上心，如實知無上心。亦不著是心！何以故？是(351c)心非心相不可思議故，⁸⁷自性空故、自性離故、自性無生故。不作是念：『我得他心智證。』除為薩婆若心。如是，舍利弗！菩薩摩訶薩行般若波羅蜜時，得他心神通智證。

四、宿命通

「是菩薩以宿命智證通，念一心乃至百心，念一日乃至百日，念一月乃至百月，念一歲乃至百歲，念一劫乃至百劫、無數百劫、無數千劫、無數百千劫，乃至無數百千萬億劫世——我是處如是姓、如是名、如是生、如是食、如是久住、如是壽限、如是長壽、如是受苦樂；我是中死、生彼處，彼處死、生是處，有相有因緣。亦不著是宿命神通，宿命神通事及己身皆不可得，自性空故、自性離故、自性無生故。不作是念：『我有是宿命神通。』除為薩婆若心。如是，舍利弗！菩薩摩訶薩行般若波羅蜜時，得宿命神通智證。

五、天眼通

「是菩薩以天眼見眾生死時、生時，端政⁸⁸、醜陋，惡處、好處，若大、若小；知眾生隨業因緣——是諸眾生身惡業成就、口惡業成就、意惡業成就故，謗毀聖人、受邪見因緣故，身壞命終⁸⁹墮惡道，生地獄中；是諸眾生身善業成就、口善業成就、意善業成就、不謗毀聖人、受正見因緣故，命終入善道，生天上。亦不著是天眼神⁹⁰通，天眼神通事及己身皆不可得，自性空故、自性離故、自性無生故。不作是念：『我有是天眼神通。』除為薩婆若心。如是，舍利弗！菩薩摩訶薩行般若波羅蜜時，得天眼神通智證。

「亦見十方如恒河沙等世界中眾生死時，乃至生天上；四神通亦如是。

六、漏盡通

「是菩薩摩訶薩漏盡神通，雖得漏盡神通，不墮(352a)聲聞、辟支佛地；乃至阿耨多羅三藐三菩提，亦不依異法。亦不著是漏盡神通，漏盡神通事及己身皆不可得，自性空故、自性離故、自性無生故。不作是念：『我得漏盡神通。』除為薩婆若心。如是，舍利弗！菩薩摩訶薩行般若波羅蜜時，得漏盡神通智證。

七、結

「如是，舍利弗！菩薩摩訶薩行般若波羅蜜時，具足神通波羅蜜；具足神通波羅蜜已，增益阿耨多羅三藐三菩提。

【論】釋曰：

⁸⁷ 心性常淨：是心非心相，不可思故。(導師《大智度論筆記》〔C014〕p.209)

⁸⁸ 政=正【宋】【元】【明】【宮】。(大正 25, 351d, n.8)

⁸⁹ 〔命終〕—【宋】【元】【明】【宮】【石】。(大正 25, 351d, n.9)

⁹⁰ 〔神〕—【宋】【元】【明】【宮】。(大正 25, 351d, n.10)

(一) 大乘海有種種菩薩寶，修神通波羅蜜，能為奇特希有之事

如大海中有種種寶珠：有能殺毒，有能遮鬼，有能破病，有能除寒熱、飢渴，有能隨人所願皆能與者——如是等無量無數寶珠。

大乘海中亦如是，有種種菩薩寶：有菩薩能破三惡道⁹¹，有能開三善門，有能生五眼，有能修行神通波羅蜜，是故諸菩薩能為奇特希有之事。所謂——

(二) 釋「如意通」

I、顯相

(1) 釋「能動大地」

取空⁹²相多、地相少，則能隨意動地。⁹³

(2) 能變多身之理（四說）（導師《大智度論筆記》〔A051〕p.89）

一身能多，多身能一：

A、微塵滿虛空中，以離欲、福德因緣故，集諸微塵以為諸身，令皆相似

虛空中常有微塵滿中；是人離欲、福德因緣故，集諸微塵以為諸身，令皆相似。

B、諸非人入菩薩身中，隨菩薩意而能變化

有人言：諸非人恭敬是離欲菩薩，入其身中，隨其意所欲變化則皆能化。轉輪聖王未離欲，少有福德因緣故，諸鬼神尚為其使，何況離欲行無量心人！

C、以禪定力故，其心調柔，疾遍諸身，亦速還復

復次，是心相無有住處——若內、若外，若大、若小，以禪定力故，其心調柔，疾遍諸身，還復亦速。譬如千頭龍，眼、耳各有二千，及有千口，心一時用；龍是⁹⁴鹿身尚爾，何況菩薩！

D、坐禪人力勢不可思議

有人言：坐禪人事，所有力勢，不可思議；⁹⁵故一身為無量身，無量身為一身。

(3) 能過諸物

「石壁無礙」者，取石壁虛空相，微塵開闢，如擻⁹⁶入土。

(4) 履水如地、入地如水、身出烟炎

「履水」者，取地相多故，履水如地；(352b)取水相多故，入地如水；取火相多故，身出烟炎⁹⁷。

(5) 摩捫日月

⁹¹〔道〕—【宋】【元】【明】【宮】。(大正 25, 352d, n.1)

⁹²空=水【宋】【明】【宮】，明註曰「空」，《南藏》作「水」。(大正 25, 352d, n.2)

⁹³六通：神通之加行。(導師《大智度論筆記》〔A051〕p.89)

⁹⁴是=及【宋】【元】【明】【宮】。(大正 25, 352d, n.4)

⁹⁵(1)《雜阿含經》卷 18 (494 經)：「禪思得神通力，自在如意，為種種物悉成不異。比丘當知，比丘禪思神通境界不可思議，是故，比丘！當勤禪思，學諸神通。」(大正 2, 129a4-6)

(2)《大智度論》卷 30 (1 序品)：「經說：五事不可思議，所謂眾生多少，業果報，坐禪人力，諸龍力，諸佛力。於五不可思議中，佛力最不可思議！」(大正 25, 283c17-20)

⁹⁶擻(ㄎㄨㄛˇ)：掘。漢王充《論衡·效力》：“鑿所以入木者，槌叩之也；鍤所以能擻地者，跖踏之也。”(《漢語大詞典(六)》，p.858)

⁹⁷火=炎【宋】【元】【明】【宮】。(大正 25, 352d, n.5)

「捫摸日月」者，神通不可思議力故，令手及日月，入火定故，月不能令冷；入水定故，日不能令熱。

〔6〕釋「乃至梵世，身得自在」

問曰：是神通力乃至四禪中，此何以言「但至梵世，身得自在」？

答曰：此先已說，梵是初門故，言梵世則攝⁹⁸一切色界。⁹⁹

又世人皆貴梵王，以為世界主故。

又是菩薩不欲於欲界散亂心現其自在，是故乃至離欲人中能有所作。

〔7〕神通相無量無數，但以喻略說

如是神通相無量無數，為易解故，少¹⁰⁰說譬喻。

2、一切法自性空，不著如意神通，除為薩婆若心

諸外道於此神通有二事錯：一者、起吾我心，我能起此¹⁰¹事而生憍慢；二者、著是神通，譬如貪人著寶。以是故外道神通，不及聖人神通。¹⁰²

菩薩於是神通力知一切法自性不生，故不著；但念一切種智，為度眾生故。

〔三〕例餘五神通

餘五神通亦如是，如其法分別，先說其相，後皆說空。

「六神通」餘義，如〈讚菩薩品〉中「五神通」義說。¹⁰³

〔四〕釋「具足神通波羅蜜，增益阿耨多羅三藐三菩提」

以是六神通廣利益眾生，故說：「具足得如是神通，增益阿耨多羅三藐三菩提。」

〔參拾玖～肆拾肆〕「第三十九～四十四類菩薩」：菩薩應行般若時別住六度——六人〔〔F041〕p.375〕

【經】

一、約六度明六人

〔一〕第三十九類菩薩

「舍利弗！有菩薩摩訶薩行般若波羅蜜時，住檀波羅蜜，淨薩婆若道，畢竟空，不生慳心故。

〔二〕第四十類菩薩

「舍利弗！有菩薩摩訶薩行般若波羅蜜時，住尸羅波羅蜜，淨薩婆若道，畢竟空，罪不罪不著故。

〔三〕第四十一類菩薩

「舍利弗！有菩薩摩訶薩行般若波羅蜜時，住羼提波羅蜜，淨薩婆若道，畢竟空，不瞋故。

⁹⁸ 攝=說【宋】【元】【明】【宮】。(大正 25, 352d, n.6)

⁹⁹ 參見《大智度論》卷 10 (大正 25, 135a5-6)，卷 20 (大正 25, 211b5-8)，卷 35 (大正 25, 315c)。

¹⁰⁰ 少：稍略。(《漢語大詞典(二)》，p.1646)

¹⁰¹ 此=是【宋】【元】【明】【宮】。(大正 25, 352d, n.7)

¹⁰² 外道神通二種錯。(導師《大智度論筆記》〔A051〕p.89，〔J043〕p.531)

¹⁰³ 參見《大智度論》卷 5 (大正 25, 97c-98b)，卷 28 (大正 25, 264a21-265b16)。

（四）第四十二類菩薩

「舍利弗！有菩薩摩訶薩行般若波羅蜜時，住毘梨耶波羅蜜，淨薩婆若道，畢竟空，身心精進不懈息¹⁰⁴故。」

（五）第四十三類菩薩

「舍利弗！有菩薩摩訶薩行般若波羅蜜時，住禪波羅蜜，淨薩婆(352c)若道，畢竟空，不亂不味¹⁰⁵故。」

（六）第四十四類菩薩

「舍利弗！有菩薩摩訶薩行般若波羅蜜時，住般若波羅蜜，淨薩婆若道，畢竟空，不生癡心故。」

二、畢竟空故，不分別施者受者，乃至智愚等事

「如是，舍利弗！菩薩摩訶薩行般若波羅蜜時，住六波羅蜜，淨薩婆若道，畢竟空故，不來不去故，不施不受故，非戒非犯故，非忍非瞋故，不進不怠故，不定不亂故，不智不愚故。」

三、顯得益

「爾時，菩薩摩訶薩不分別布施不布施、持戒犯戒、忍辱瞋恚、精進懈怠、定心亂心、智慧愚癡；不分別毀害、輕慢、恭敬。何以故？舍利弗！無生法中，無有受毀者、無有受害者、無有受輕慢恭敬者。」

「舍利弗！菩薩摩訶薩行般若波羅蜜，得如是諸功德，聲聞、辟支佛所無有。得是功德具足，成就眾生、淨佛世界，得一切種智！」

【論】釋曰：

（一）菩薩行般若時別住六度，淨薩婆若道，畢竟空故，不生六弊心

是菩薩初發意，行般若波羅蜜，漸¹⁰⁶行餘功德，所謂檀波羅蜜等。

菩薩住檀波羅蜜，修治薩婆若道——觀一切法畢竟空、不生慳貪心，以是二事故，開薩婆若道。所以者何？畢竟空中，無有慳貪；慳貪根本斷故，具足檀波羅蜜；具足檀波羅蜜故，莊嚴般若波羅蜜；乃至般若波羅蜜畢竟空故，常不生癡心。

所以者何？此中佛自說：「一切法不來不去，無施無受故乃至不智不愚故。」

（二）不見有施無施等而行六度，得何等利益

問曰：若能如是觀，行六波羅蜜，得何等利益？

答曰：

1、釋「不分別布施不布施、持戒犯戒、忍辱瞋恚、精進懈怠、定心亂心、智慧愚癡」

（1）舉布施

此中佛自說：「此¹⁰⁷菩薩不念有所施與、無所施與。」

A、若念有所施，入虛妄法中，又生憍慢

若念有施，入虛妄¹⁰⁸法中，又著布施心生憍慢。

¹⁰⁴ 息=怠【元】【明】。(大正 25, 352d, n.11)

¹⁰⁵ 《大正藏》原作「昧」，今依《高麗藏》作「味」(第 14 冊, 786a1)。

¹⁰⁶ 漸=暫【宋】【宮】。(大正 25, 352d, n.14)

¹⁰⁷ 此=是【宋】【元】【明】【宮】。(大正 25, 352d, n.15)

B、若念無所施，墮邪見中

若念無所施，即墮邪見中。是布施論議，是佛法中初門，云何言無？

(2) 例餘五度

乃至「不念有癡有慧」。

2、釋「不分別毀害、輕慢、恭敬，無生法中無有受毀害者、輕慢者、恭敬者」

是人如金剛山，四面風起，不能令動。是(353a)菩薩爾時若有罵詈、讚歎，心無有異。何以故？此中佛自說：「無生法中無有罵者，無有¹⁰⁹害者，無恭敬者。」

3、顯菩薩勝二乘，功德具足，當得一切種智

聲聞、辟支佛，有加害者，不能深有慈悲心，若默然、若遠離。

菩薩則不然，能深加慈心，愛之如子，方便度之，是故勝一切聲聞、辟支佛，而能教化一切眾生，忍辱、慈悲、方便深故，隨願清淨業因緣故，能淨佛世界。是法具足故，不久當得一切種智。

參、菩薩行般若五相¹¹⁰ (導師《大智度論筆記》[F041] p.376)

【經】「復次，舍利弗！菩薩摩訶薩行般若波羅蜜時，⁽¹⁾一切眾生中生等心；⁽²⁾一切眾生中生等心已，得一切諸法等；⁽³⁾得一切諸法等已，立一切眾生於諸法等中。

⁽⁴⁾是菩薩摩訶薩，現世為十方諸佛所念，亦為一切菩薩、一切聲聞、辟支佛所念。⁽⁵⁾是菩薩在所生處，眼終不見不愛色，乃至意不覺不愛法。

「如是，舍利弗！菩薩摩訶薩行般若波羅蜜，不減於阿耨多羅三藐三菩提。」

【論】釋曰：佛若廣說諸菩薩相，則窮劫不盡，今佛此品末略說其相。

(壹) 現行 (導師《大智度論筆記》[F041] p.376)

一、自行 (導師《大智度論筆記》[F041] p.376)

(一) 於眾生中生等心 (導師《大智度論筆記》[F041] p.376)

是相足為¹¹¹諸菩薩所通行，所謂大慈悲故，初發度一切眾生心故，學諸佛等心觀眾生故，一切法自性空故——如是等因緣故，於一切眾生中生等心。

(二) 於一切諸法等 (導師《大智度論筆記》[F041] p.376)

¹⁰⁸ 妄=誑【宋】【元】【明】【宮】。(大正 25, 352d, n.16)

¹⁰⁹ [有]—【宋】【元】【明】【宮】。(大正 25, 353d, n.1)

¹¹⁰

			┌ 大慈悲故
		┌ 於眾生中生等心	└ 發度眾生心故
		┌ 自行	└ 學諸佛故
	┌ 現行	└ 於一切諸法等	└ 一切法中自性空故
菩薩行般若五相	└ 化他——令一切眾生於法等中		
	┌ 現在	└ 十方佛念	
	└ 果報	└ 賢聖所念	
	└ 未來——隨所生處、六塵常妙		

(導師《大智度論筆記》[F041] p.376)

¹¹¹ 足為=是【宋】【元】【明】【宮】。(大正 25, 353d, n.4)

得是等心已，得一切諸法等。¹¹²

「一切法等」者，如先說「眾生等、法等」義；¹¹³今當更說。

1、第一說

慈愍四生¹¹⁴眾生，一心欲利益，名眾生等。

觀四念處亦不見身，名為法等；四正勤等諸四法亦如是。

2、第二說

復次，念五道中眾生皆沒無常老、病、死，是名眾生等。

行是信等五根、若五神通，一心欲度是眾生，是名法等。(353b)

3、第三說

復次，眾生中行忍辱、慈悲等福，功德無量；功德無量故心柔軟，心柔軟故疾得禪定，修禪定故心如意調柔，心如意調柔故破世間長短男女白黑等，入一相法——所謂無相。

二、化他——令一切眾生於法等中 (導師《大智度論筆記》[F041] p.376)

得是法等已，令一切眾生得是法等。

(貳) 果報 (導師《大智度論筆記》[F041] p.376)

一、現在——十方佛念，賢聖所念 (導師《大智度論筆記》[F041] p.376)

是菩薩得是二等、成就無量福德智慧故，得現世果報——為諸佛所念，餘人所念。

愛著生念者，皆是虛妄；唯諸佛念，是為實念，不愛著故。

是人諸佛尚念，何況聲聞、辟支佛、菩薩！聲聞、辟支佛斷結者，猶尚愛念，何況凡夫未離欲者！

以菩薩福德因緣生故，得¹¹⁵如是等無量今世果報。

二、未來——隨所生處、六塵常妙 (導師《大智度論筆記》[F041] p.376)

後世所生處，眼終不見惡色。

「惡色」者，所謂能生苦受；聲、香、味、觸、法，乃至能生憂心者。

如六欲天，六情所對淨妙五¹¹⁶欲，隨意歡喜。眾生種少福德，生天上如是，何況菩薩福德、實智慧無量無邊、為¹¹⁷十方諸佛諸餘賢聖所念！

肆、時眾得益受記

【經】

(壹) 三百比丘及六萬欲天得佛授記

說是〈般若波羅蜜品〉時，三百比丘從坐起，以所著衣上佛，發阿耨多羅三藐三菩提

¹¹² 法等、法忍：二忍修行次第。(導師《大智度論筆記》[C012] p.204)

¹¹³ 眾生等、法等，參見《大智度論》卷 5 (大正 25, 97a28-c4)，另參見卷 47 (400c20)，卷 49 (411c16-24)，卷 87 (668c20-25)，卷 100 (751b20-c3)。

¹¹⁴ 四生：胎生、卵生、濕生、化生。

¹¹⁵ [得] — 【宋】【元】【明】【宮】【石】。(大正 25, 353d, n.8)

¹¹⁶ [五] — 【宋】【元】【明】【宮】【石】。(大正 25, 353d, n.10)

¹¹⁷ 為=及【宋】【元】【明】【宮】。(大正 25, 353d, n.11)

心。佛爾時微笑，種種色光從口中出。

爾時¹¹⁸慧命阿難從坐起，整衣服，合掌，右膝著地，白佛言：「佛何因緣微笑？」佛告阿難：「是三百比丘從是已後六十一劫當得¹¹⁹作佛，皆號名大相。是三百比丘捨此身已¹²⁰，當生阿閼佛國¹²¹；及六萬欲天子皆發阿耨多羅三藐三菩提心，於彌勒佛法中出家行佛道。」

〔貳〕時眾依佛力，見佛與嚴淨世界，十千人發願得佛受記

是時，佛之威神故，此間四部眾見十方面各千佛；是十方世界嚴淨，此娑婆世界所不能¹²²及。¹²³

爾時，十千人作願言¹²⁴：「我等修淨願行，以¹²⁵淨願行故，當生彼佛（353c）世界。」

爾時，佛知是善男子深心，而復微笑，種種色¹²⁶光從口中出。

阿難整衣服，合掌白佛：「佛何因緣微笑？」

佛告阿難：「汝見是十千人不？」

阿難言：「見！」

佛言：「是十千人於此壽終，當生彼世界，終不離諸佛；後當作佛，皆號莊嚴王¹²⁷。」

【論】

一、釋「三百比丘、六萬欲天得佛受記」

〔一〕三百比丘得佛受記

1、釋疑：云何三百比丘以衣供養佛而不破戒

問曰：如佛結戒，比丘三衣不應少，是諸比丘何以故¹²⁸破尸羅波羅蜜，作檀波羅蜜？

答曰：

〔1〕比丘施衣時未結戒故

有人言：佛過十二歲然後結戒，¹²⁹是比丘施衣時未結戒。

〔2〕有淨施衣，心生當受故

有人言：是比丘有淨施衣，心生當受，以是故施。

¹¹⁸〔爾時〕－【宋】【元】【明】【宮】。（大正 25，353d，n.12）

¹¹⁹〔得〕－【宋】【元】【明】【宮】。（大正 25，353d，n.13）

¹²⁰〔已〕－【宋】【元】【明】【宮】。（大正 25，353d，n.14）

¹²¹國＝世界【宋】【元】【明】【宮】。（大正 25，353d，n.15）

¹²²〔能〕－【宋】【元】【明】【宮】。（大正 25，353d，n.16）

¹²³《大般若波羅蜜多經》卷 405〈3 觀照品〉：「爾時，此間一切眾會，以佛神力得見十方各千佛土及諸世尊，并彼眾會彼諸佛土清淨莊嚴微妙殊特，當於爾時此堪忍界嚴淨之相所不能及。」（大正 7，26c23-26）

¹²⁴〔言〕－【宋】【元】【明】【宮】。（大正 25，353d，n.17）

¹²⁵〔以〕－【宋】【元】【明】【宮】。（大正 25，353d，n.18）

¹²⁶〔色〕－【宋】【元】【明】【宮】。（大正 25，353d，n.21）

¹²⁷王＋（佛）【石】。（大正 25，353d，n.22）

¹²⁸〔故〕－【宋】【元】【明】【宮】。（大正 25，353d，n.23）

¹²⁹參見《根本薩婆多部律攝》卷 2：「言不淨行者，於十二年、苾芻僧伽未生惡疤，入十三年，薄伽梵在佛栗氏國羯蘭鐸迦村，其羯蘭鐸迦子蘇陳那為母所教令求種子，由姪煩惱及姪事故，佛觀十利制斯學處。」（大正 24，531c8-12）

(3) 不經宿即能更得衣故

有人言：是諸比丘多知多識，即能更得，事不經宿。

(4) 比丘聞法，法喜充滿，即以衣施，不故破戒

復次，有人言：是諸比丘聞佛說「諸菩薩行檀波羅蜜，諸功德力勢無量故，得與般若波羅蜜相應」，心大踊躍，即以衣施，無復他念，不故破戒。

(5) 知畢竟空，無所著，為度眾生發菩提心故施衣，非輕佛語

復次，諸比丘知佛法畢竟空，無所著，斷法愛；為世諦故結戒，非第一義。是比丘從佛聞第一義及布施等¹³⁰六波羅蜜；聞諸菩薩種種大威力，愍念眾生為諸煩惱所覆，不能得是菩薩功德；是故生大悲心，為眾生故發阿耨多羅三藐三菩提意；以是故，以衣布施。

若人以貪欲、瞋恚、怖畏、邪見、不恭敬心、輕佛語而不持戒¹³¹，是名為破戒；是諸比丘都無此心，是故無破戒罪。¹³²

2、釋「佛微笑因緣」

(1) 佛何故微笑

問曰：佛何以故¹³³微笑？

答曰：笑有種種：有人見妓樂事而笑，有人內懷瞋恚而笑，有人憍慢故笑，有人輕物故笑，有人事辦歡¹³⁴喜故笑，有人見不應作而作故笑，有人懷詐揚善故笑，有人見希有事故笑。

佛今見比丘以一袈裟施故，未來世中成（354a）辦佛事——是為希有，以是故笑。

(2) 何以阿難常問佛微笑因緣，而餘比丘不問

問曰：阿難何以常問佛笑，而餘比丘不問？

答曰：是諸比丘不親近佛、又敬難心多故，不敢自問。

阿難善知人相，知諸比丘意；又見佛笑，疑故，作是念：「佛無眾生相、無有法相，知三界如夢、如幻；今有何事能令佛笑？佛如須彌山王、大地、大海，不以小因緣故動。」以是故問笑因緣。

3、釋「佛授記三百比丘當生阿閼佛國，六十一劫當作佛，皆名大相」

佛告阿難：「業因緣果報相續，不可思議！是三百比丘却後六十一劫當得作佛，號名大相（施以手舉物顯示為相故，因以為名¹³⁵）。」

六十一劫中，是人利根，值佛說法，與般若波羅蜜相應故，是諸人疾得作佛。

是諸比丘未得天眼故，自疑不知生何處，恐不能得集諸功德、不得至道；是故佛言：

¹³⁰ 等=得【宋】【元】【明】【明】。（大正 25，353d，n.26）

¹³¹ 〔戒〕—【宋】【元】【明】【宮】。（大正 25，353d，n.28）

¹³² 毘尼：（大）破戒與不破戒。（導師《大智度論筆記》〔C007〕p.195）

¹³³ 〔故〕—【宋】【元】【明】【宮】。（大正 25，353d，n.29）

¹³⁴ 〔歡〕—【宋】【元】【明】【宮】。（大正 25，353d，n.32）

¹³⁵ 名+（也）【宋】【元】【明】【宮】。（大正 25，354d，n.3）

「捨是身，當生阿閼佛世界。」

〔二〕釋「六萬欲天子發菩提心，於彌勒佛法中出家學道」

六萬欲天子，必是宿世共福德因緣故，與三百比丘俱發阿耨多羅三藐三菩提心。是彌勒所應度，是故佛說¹³⁶：「彌勒時當出家。」

二、釋「十千人得佛受記」

〔一〕佛現神力令見諸佛及諸佛清淨世界

今佛記諸比丘生阿閼佛¹³⁷世界，故諸人咸欲見諸佛清淨世界；是故佛令大眾見十方面各千佛。

〔二〕十千人自誓願生淨土

是四眾見是清淨莊嚴佛世界，見諸佛身大於須彌山者，一生補處菩薩大眾圍繞，以梵音聲¹³⁸徹無量無邊世界；各自鄙薄其身，憐愍眾生故，為求無量佛法，作願生彼佛世界。如清淨世界行願中說。¹³⁹

〔三〕佛笑因緣（如前說）


笑因緣，如先說。¹⁴⁰

〔四〕釋「佛授記十千人當生彼世界，終不離諸佛，後當作佛，皆號莊嚴王」

是十千人於此壽終當生彼國。

隨生彼國行業因緣具足故、此間集深厚無量福德故，終不離諸佛。

見諸莊嚴佛世界發心故，皆號莊嚴王佛。



(導師《大智度論筆記》〔F040〕p.374)

¹³⁶ 說=記【宋】【元】【明】【宮】。(大正 25, 354d, n.4)

¹³⁷ 〔佛〕—【宋】【元】【明】【宮】。(大正 25, 354d, n.5)

¹³⁸ 〔聲〕—【宋】【元】【明】【宮】。(大正 25, 354d, n.7)

¹³⁹ 參見《大智度論》卷 38 (大正 25, 342c28-343a4)。

¹⁴⁰ 參見《大智度論》卷 7 (大正 25, 112c10-113a8)，卷 40 (353c24-354a1)。

¹⁴¹ 案：導師筆記原「隨信行」、「隨法行」並無與「阿那含」相連，今依經文與論義增補。

〈釋歎度品第五〉
(大正 25, 354a29-355c7)

【經】

壹、眾聖稱歎般若

(壹) 歎法

一、正歎般若

爾時，慧命舍利弗、慧命目犍¹⁴²連、慧命須菩提、慧命摩訶迦葉，如是等諸多知識比丘及諸菩薩摩訶薩、諸優婆塞、優婆夷從坐起，合掌白佛言：「世尊！⁽¹⁾摩訶波羅蜜，是菩薩摩訶薩般若波羅蜜；⁽²⁾尊波羅蜜、⁽³⁾第一波羅蜜、⁽⁴⁾勝波羅蜜、⁽⁵⁾妙波羅蜜、⁽⁶⁾無上波羅蜜、⁽⁷⁾無等波羅蜜、⁽⁸⁾無等等波羅蜜、⁽⁹⁾如虛空波羅蜜，是菩薩摩訶薩般若波羅蜜。世尊！⁽¹⁰⁾自相空波羅蜜，是菩薩摩訶薩般若波羅蜜；世尊！⁽¹¹⁾自性空波羅蜜，是菩薩摩訶薩般若波羅蜜；⁽¹²⁾諸法空波羅蜜、⁽¹³⁾無法有法空波羅蜜、⁽¹⁴⁾開一切功德波羅蜜、⁽¹⁵⁾成就一切功德波羅蜜、⁽¹⁶⁾不可壞波羅蜜，是諸菩薩摩訶薩般若波羅蜜。

二、具足無等等六度乃至成佛轉法輪皆由行般若得

※ 菩薩行般若

「諸菩薩摩訶薩行是般若波羅蜜，無等等布施，具足無等等檀波羅蜜，得無等等身，得無等等法——所謂阿耨多羅三藐三菩提。¹⁴³尸羅波羅蜜、羼提波羅蜜、毘梨耶波羅蜜、禪波羅蜜、般若波羅蜜亦如是。

※ 三世諸佛亦行般若

「世尊本亦復行此般若波羅蜜，具足無等等六波羅蜜，得無等等法；得無等等色，無等等受、想、行、識，¹⁴⁴佛轉無等等法輪；過去佛亦如是行此般若波羅蜜，具足無等等布施，乃至轉無等等法輪；未來世佛，亦行此般若波羅蜜，當作無等等布施，乃至當轉無等等法輪。

三、結勸修行

「以是故，世尊！菩薩摩訶薩欲度一切法彼岸，當習行般若波羅蜜！

(貳) 歎行般若之人

「唯！世尊！是行般若波羅蜜菩薩摩訶薩，一切世間天及人、阿修羅應當禮¹⁴⁵敬供養！」

¹⁴² 犍=捷【宋】【元】【明】【宮】。(大正 25, 354d, n.9)

¹⁴³ 《大般若波羅蜜多經》卷 405〈4 無等等品〉：「世尊！修行般若波羅蜜多諸菩薩摩訶薩最尊最勝、具大勢力，能行無等等施，能滿無等等施，能具無等等布施波羅蜜多；能得無等等自體，所謂無邊相好妙莊嚴身；能證無等等法，所謂無上正等菩提。」(大正 7, 27b18-22)

¹⁴⁴ 《大智度論疏》卷 17：「得無等等色已下，佛名無等；佛果妙色，非同礙色故，名無等等色。今由菩薩行般若波羅蜜，能致此果，得於妙色，於佛無等，不同世間，故云無等等色。世間之色，名為等色；今得佛果微妙無等之色，故云得無等之色。受、想、行、識亦爾，不同世間緣慮之心及無常受著心心數等，故云無等。今者逐得與此無等心心數法等，故云得無等等受、想、行、識也。」(《卍新續藏》46, 854b19-c1)

¹⁴⁵ 《大正藏》原作「體」，今依《高麗藏》作「禮」(第 14 冊, 789a12)。

貳、如來述成¹⁴⁶

(壹) 應禮敬供養行般若之菩薩

佛告眾弟子及諸菩薩摩訶薩：「如是！如是！諸善男子行是¹⁴⁷般若波羅蜜者，一切世間天及人、阿修羅應當禮敬供養。

(貳) 菩薩行般若故能生世間、出世間果，一切世間諸樂具皆由菩薩有

「何以故？因菩薩來故，(354c) 出生人道、天道，刹利大姓、婆羅門大姓、居士大家、轉輪聖王、四天王天乃至阿迦尼吒天；出生須陀洹乃至阿羅漢、辟支佛、諸佛。

「因菩薩來故，世間便有飲食、衣服、臥具、房舍、燈燭、摩尼、真珠、毘琉璃、珊瑚、金銀等諸寶物生。

「舍利弗！世間所有樂具——若人中、若天上、若離欲樂，是一切樂具皆由菩薩有。何以故？舍利弗！菩薩摩訶薩行菩薩道時，住六波羅蜜，自行布施，亦以布施成就眾生；乃至自行般若波羅蜜，亦以般若波羅蜜成就眾生。

「舍利弗！是故菩薩摩訶薩為安樂一切眾生故出現於世。」

【論】

一、釋「眾聖稱歎般若」

(一) 歎法

1、辨能歎之人

(1) 舍利弗、目犍連、須菩提、摩訶迦葉等

※ 釋疑：比丘上座眾多，何故但舉舍利弗等四人

問曰：五千比丘中，上有千餘上座，所謂漚¹⁴⁸樓頻螺迦葉等；何以止¹⁴⁹說此四人名？

答曰：是四比丘，是現世無量福田。舍利弗是佛右面弟子；目犍連是佛左面弟子；須菩提修無諍定，行空第一；摩訶迦葉行十二頭陀第一，世尊施衣分坐，常深心憐愍眾生。佛在世時，若有人欲求今世果報者，供養是四人，輒¹⁵⁰得如願。

(2) 多知識比丘及諸菩薩摩訶薩、諸優婆塞、優婆夷從座起讚般若

¹⁴⁶ 《大智度論疏》卷 17：「『佛告眾弟子』已下，大分第二、明如來述成。此中結勸供養及如來述成，所以並就人明述成者，明人能弘法，法在人則人尊；既本結勸供養行法之人，今若述成行法人者，則得於法，是故但據人耳。『何以故』已下，如來自釋上來意何故應嘆波若及述成供養之義——但此經能出生五乘，菩薩既有修行，則能生世間、出世間果，皆由菩薩行法故有，所以讚嘆波若及述成供養也。『出生人道』已下，明出生世間善正報——勝果、人、天等乘也，當說。『出生須陀洹等』已下，明出生二乘因果也。『因菩薩來故世間便有飲食』已下，次明出生勝世間依報也。『舍利弗！世間所有樂具』已下，此中有廣略二固明出生義——上則廣明出生五乘因果，今次復佛略明出生諸樂具等也。『何以故？舍利弗』已下，次總釋上所以云『因菩薩能出生此等諸果』者，由行般若故然也，當說。」(《卍新續藏》46，854c3-17)

¹⁴⁷ [是] — 【宋】【元】【明】【宮】【石】。(大正 25，354d，n.11)

¹⁴⁸ 漚 = 優【明】。(大正 25，354d，n.12)

¹⁴⁹ 止 = 正【宋】【宮】【石】。(大正 25，354d，n.13)

¹⁵⁰ 輒 (ㄉㄛˇ)：副詞。每每，總是。(《漢語大詞典》(九) p.1252)

是故，是多知多識比丘，及四眾，讚般若波羅蜜。

※因論生論：阿羅漢所作已辦，何故復讚歎般若

問曰：是阿羅漢最後身，所作已辦，何以復讚歎般若波羅蜜？

答曰：人皆知阿羅漢得無漏道，以菩薩智慧雖大，結使未斷故不貴。

又以是阿羅漢有慈悲心，助佛揚化故以之為證。

2、明所歎之法

- (1) 佛道於世間中最大，是般若能與此事，故名爲「大波羅蜜」。
- (2) 一切法中智慧第一，故言「尊波羅蜜」。
- (3) 能正導五度，故名「第一波羅蜜」。
- (4) 五度不及，故名爲「勝波羅蜜」，如五情不及意。
- (5) 能自利利人，故名爲「妙波羅蜜」。
- (6) 一切法中無有過者，故(355a)名「無上波羅蜜」。
- (7) 無有法與同者，故名「無等波羅蜜」。
- (8) 諸佛名無等¹⁵¹，從般若波羅蜜生，故名「無等等波羅蜜」。
- (9) 是般若波羅蜜畢竟清淨，不可以戲論破壞，故名「如虛空波羅蜜」。
- (10) 般若波羅蜜中，一切法自相不可得故，名爲「自相空波羅蜜」。
- (11) 此波羅蜜中一切法自性空故，諸法因緣和合生，無有自性，故名爲「自性空波羅蜜」。
- (12) 諸法中無有自法，故名爲「諸法空波羅蜜」。
- (13) 以此眾生空、法空故破諸法令無所有，無所有亦無所有，是名「無法有法空波羅蜜」。
- (14) 菩薩行是般若波羅蜜，無有功德而不攝者，如日出時華無不敷¹⁵²，故名「開一切功德波羅蜜」。
- (15) 是菩薩心中般若波羅蜜日出，成就一切諸功德，皆令清淨；般若波羅蜜是一切善法之本，是故名爲「成就一切功德波羅蜜」。
- (16) 世間無有法能傾動者，故名「不可破壞波羅蜜」。

3、讚嘆般若之理由

(1) 釋「三世諸佛具足無等等六度皆由行般若得」

是諸阿羅漢讚歎因緣，所謂三世佛皆從般若波羅蜜生，所謂無比布施乃至無比智慧。世間中無有與等者，故言「無比」；是六波羅蜜，畢竟清淨，無有過¹⁵³失，故名爲「無比」——「無比」即是「無等等」。

¹⁵¹ 等+ (等)【宋】【元】【明】【宮】。(大正 25, 355d, n.1)

¹⁵² (1) 敷(ㄉㄨ)：生長，開放。《書·禹貢》：“篠簜既敷，厥草惟夭，厥木惟喬。”孔傳：“篠，竹箭；簜，大竹，水去已布生。”顏師古注：“夭，盛貌也。”孔傳：“喬，高也。”(《漢語大字典(二)》，p.1473)

(2) 敷英：開放的花朵。《藝文類聚》卷八一引晉傅咸《芸香賦》：“攜昵友以消遙兮，覽偉草之敷英。”(《漢語大詞典(五)》，p.504)

¹⁵³ [過] — 【宋】【元】【明】【宮】。(大正 25, 355d, n.4)

復次，「無等等」——諸佛名「無等」；與諸佛等，故名爲「無等等」。

(2) 釋「三世諸佛中何故別說釋迦文佛」

問曰：三世諸佛中，已有釋迦文佛，何以別說？

答曰：今座上眾皆由釋迦文佛得度，感恩重故別說。如舍利弗說：「我師不出者，我等永爲盲冥！」

4、結勸修行

諸阿羅漢知三世諸佛皆從般若波羅蜜中出，以是故諸阿羅漢說：「世尊！諸菩薩摩訶薩欲遍知一切法，當習般若波羅蜜。」

(二) 歎行般若之人：一切世間天及人、阿修羅應禮敬供養行般若之菩薩

阿羅漢讚歎菩薩時，心生恭敬，是故說(355b)「禮敬供養」。

天、人、阿修羅者，說三善道；三惡道無所別知，故不說。

二、釋「如來述成」

(一) 佛印可言當禮敬供養行般若菩薩

佛聞阿羅漢讚歎已，佛印可言：「如是！如是！應當禮敬供養行般若波羅蜜者。」

汝雖無一切智慧，而說不錯，故重言：「如是！如是！」

(二) 釋「因菩薩故，能生人、天，乃至二乘、佛；衣食、寶物、一切樂具皆由菩薩有」

何以故？此中佛自說：因菩薩故，出生人道、天道，乃至一切諸菩薩爲安樂一切眾生故說。

1、由菩薩故出生人、天，乃至二乘、佛

刹利大姓，乃至阿迦尼¹⁵⁴吒；須陀洹乃至諸佛，皆如先說。¹⁵⁵

2、由菩薩故出生飲食、衣服及諸寶物¹⁵⁶

問曰：若因菩薩，有飲食等及諸寶物，人何以力作求生，受諸辛苦乃得？

答曰：飢餓劫時，人雖設其功力，亦無所得，以眾生罪重故。

菩薩世世讚歎布施、持戒、善心，是三福因緣故有上、中、下。

上者，念便即得；中者，人中尊重，供養自至；下者，施功力乃得。

以是故說因菩薩得，實而不虛。

3、釋「一切樂具皆由菩薩有」¹⁵⁷

¹⁵⁴ 尼=貳【宋】【宮】，=膩【元】【明】。(大正 25, 355d, n.6)

¹⁵⁵ 參見《大智度論》卷 36〈3 習相應品〉(大正 25, 323a29-c20)，另參見卷 56〈30 顧視品〉(459c2-460a)，卷 58〈34 勸受持品〉(468c1-12)，卷 60〈38 校量法施品〉(485b23-c3)，卷 85〈71 道樹品〉(651c-652a)。

¹⁵⁶ 《大智度論疏》卷 17：「問曰已下，意云：若世間財食，由菩薩有者，只應從菩薩邊得，何故須辛苦求覓？但我自求自得，何需菩薩也？答曰已下，世間財食，只由眾生福力所感；眾生福力，由菩薩化導方有。若言自力能得者，何故飢世種不能得、求財人不盡獲？當知由福；若由福德所致，則由菩薩得。如有好財食處，而盲不能往，將去者得。雖復自行功，由於導故。生盲眾生，得福果功，由菩薩也。當說。」(《卍新續藏》46, 855b1-8)

¹⁵⁷ 《大智度論疏》卷 17：「樂因緣甚多已下，次釋上略說三樂經文。上言『離欲樂』者，即是此中『涅槃』也。『此中佛自說』已下，還引佛自說釋明：已^{*}菩薩有自行化二德故，所以能生

(1) 天樂、人樂、涅槃樂，皆由菩薩得

樂因緣甚多，不可稱計；今佛略說：「天樂、人樂、涅槃樂，皆由菩薩得。」

(2) 菩薩自行六度，亦教眾生行六度

此中佛自說：「菩薩住六波羅蜜，自行布施，亦教眾生行布施。」雖眾生自行布施，無菩薩教導則不能行。

(3) 釋疑：菩薩何以教導眾生有漏之人天樂

問曰：除解脫樂，此二種樂是眾生結使處；貪欲因緣故生恚。菩薩何以教導此結使因緣？

答曰：

A、菩薩以慈悲清淨心教眾生修福事

菩薩無咎！所以者何？菩薩慈悲清淨心，與眾生樂因緣，教修福事；若眾生不能清淨行福德者，於菩薩何咎！如人好心作井，盲人墮中而死，作者無罪！如人設好食施人，不知量者，多食致患，施者無罪！

B、若不教眾生作福德因緣，則無三善道，但長三惡道

復次，若諸佛菩薩不教眾生作福德因緣，則無天、無人、無阿修羅；但長三惡道，無從罪得出者。

C、欲免眾生從苦生罪故菩薩與樂

復次，眾生樂因緣故生貪，貪因緣故生恚，恚因緣故(355c)生苦，苦因緣故生罪；今欲免眾生於第五罪¹⁵⁸中，是故與樂。

D、正憶念故，樂為善福因緣

復次，非定樂因緣生貪欲！或正憶念故，樂為善福因緣，邪憶念故生貪欲。今為正憶念樂故，令生福德因緣。

E、菩薩未得佛眼故以「三種樂」教化眾生，唯佛無錯謬，但以「解脫樂」度眾生

復次，唯佛一人無錯無失。是菩薩未成就佛道、未得佛眼故，以三種樂故教化可度眾生；諸佛但以解脫樂教化眾生。

世出世界也。」(《卍新續藏》46, 855b9-12)

※已：同“以”。因；因為。《墨子·尚賢中》：“桀、紂、幽、厲之所以失措其國家、傾覆其社稷者，已此故也。”(《漢語大詞典(四)》，p.71)

¹⁵⁸《大智度論疏》卷17：「第五即是從苦生罪，故菩薩與樂也。」(《卍新續藏》46, 855b15-16)案：第一、樂，第二、貪，第三、恚，第四、苦，第五、罪。

〈釋舌相品第六〉
(大正 25, 355c8-355b6)

【經】

壹、佛出舌相放光明

爾時，世尊出舌相，遍覆三千大千世界；從其舌相出無數無量色光明，普照十方如恒河沙等諸佛世界。

貳、十方菩薩眾及諸天並集

(壹) 十方菩薩眾集

一、見瑞疑問

是時，東方如恒河沙等世界中無量無數諸菩薩見是大光明，各各白其佛言：「世尊！是誰神¹⁵⁹力故，有是大光明，普照諸佛¹⁶⁰世界？」

二、十方佛釋

諸佛告諸菩薩言：「諸善男子！西方有世界名娑婆，是中有佛名釋迦牟尼，是其舌相出大光明，普照東方如恒河沙等諸佛世界；南西北方、四維、上下，亦復如是；為諸菩薩摩訶薩說般若波羅蜜故。」

三、十方菩薩欲來供養

是時，諸菩薩各白其佛言：「我欲往供養釋迦牟尼佛及諸菩薩摩訶薩，并欲聽般若波羅蜜！」

四、十方佛許

諸佛告諸菩薩：「善男子！汝自知時！」

五、諸菩薩持供養具至釋迦佛所

是時，諸菩薩摩訶薩持諸供養具、無量華蓋、幢幡、瓔珞、眾香、金銀、寶花，向娑婆世界，詣釋迦牟尼佛所。

(貳) 諸天眾集

爾時，四天王諸天乃至阿迦尼吒諸天各持上天香、末香、澤香、天樹香、葉香、天種種蓮華——青、赤、紅、白，向釋迦牟尼佛所。

參、因供養重現瑞相

是諸菩薩摩訶薩及諸天所散諸華於三千大千世界虛空中化成四柱大寶¹⁶¹臺，種種異色，莊嚴分明。

肆、時眾悟道發願

是時，釋迦牟尼佛眾中，有十萬億人皆(356a)從坐起，合掌白佛言：「世尊！我等於未來世中，亦當得如是法，如今釋迦牟尼佛！弟子、侍從、大眾，說法，亦爾！」

伍、佛歡喜授記

¹⁵⁹〔神〕—【宋】【元】【明】【宮】。(大正 25, 355d, n.14)

¹⁶⁰〔佛〕—【宋】【元】【明】【宮】。(大正 25, 355d, n.15)

¹⁶¹〔寶〕—【宋】【元】【明】【宮】。(大正 25, 355d, n.17)

是時，佛知善男子至心，於一切諸法不生不滅、不出不作，得是法忍。¹⁶²

佛便微笑，種種色光從口中出。

阿難白佛言：「世尊！何因緣故微笑？」

佛告阿難：「是眾中十萬億人，於諸法中得無生忍。是諸人於未來世過六十八億劫當得¹⁶³作佛，劫名華積，佛皆號覺花。」

【論】

一、佛出舌相光明，諸菩薩及諸天雲集，供養釋迦佛

(一) 佛何故重出舌相

問曰：初品中佛已出舌相，今何以重出？

答曰：是事非一日一坐說。¹⁶⁴

前出舌相，為和合大會，度一切眾生，舍利弗問，佛答。¹⁶⁵

今此異時，更為餘人；須菩提巧說空故，佛命令更說，是故出舌相光明。

※ 因論生論：佛何故命須菩提說般若

問曰：舍利弗智慧第一，竟何所少，而復命須菩提？

答曰：佛弟子眾多，一人說已，次命一人；譬如王者，群臣眾多，次第共語。

問曰：若爾者，目連、迦葉等甚多，何以不次第¹⁶⁶皆與語？

答曰：此經名智慧，舍利弗智慧第一，是故問。

須菩提雖有種種因緣，以二因緣大故：一者、好行無諍定，常慈悲眾生，雖不能廣度眾生，而常助菩薩，以菩薩事問佛；二者、好深行空法，是般若中多說空法——是故命¹⁶⁷須菩提說。¹⁶⁸

(二) 舌相光明、菩薩來往，乃至華臺供養義，如前已說

是舌相光明¹⁶⁹、諸菩薩來往義¹⁷⁰，乃至華臺供養義¹⁷¹，如先說。

二、時眾悟道，發願未來世亦當如今佛無異

爾時，眾生見是大神通力，所謂十方如恒河沙等世界中諸佛，以諸佛及釋迦文佛出無量光明故，眾生蒙佛神力，見舌相覆三千大千世界，及聞見諸佛在大眾中說法，即得無生法忍，作是願言：「(356b) 我等未來世神通變化，亦當如今佛。」

三、佛微笑授記

¹⁶² 無生法忍：不生不滅不出不作（無作無為）；亦名法忍。（導師《大智度論筆記》〔E001〕p.284）

¹⁶³ 〔得〕—【宋】【元】【明】【宮】。（大正 25，356d，n.1）

¹⁶⁴ 般若非一日一坐說。（導師《大智度論筆記》〔E001〕p.284）

¹⁶⁵ 參見《大智度論》卷 8（大正 25，115a4-116c6）。

¹⁶⁶ 〔第〕—【宋】【元】【明】【宮】。（大正 25，356d，n.2）

¹⁶⁷ 命=令【宋】【元】【明】【宮】【石】。（大正 25，356d，n.3）

¹⁶⁸ 須菩提二緣命說：好行無諍定——近悲，好深行空法——近智。
（導師《大智度論》筆記〔B001〕p.103）

¹⁶⁹ 參見《大智度論》卷 8（大正 25，115a4-116c6）。

¹⁷⁰ 參見《大智度論》卷 9-10（大正 25，124a11-134b23）。

¹⁷¹ 參見《大智度論》卷 10（大正 25，130c24-132c）。

（一）佛微笑

佛知眾生得無生法忍，故微笑。
笑義，佛答，如先說。¹⁷²

（二）佛授記

是人過六十八億劫作佛，是人見十方諸菩薩持七寶華來供養，變成七寶花臺；因見是已，其心清淨，得無生法忍。是故作佛時，劫名華積，佛皆號覺華。

¹⁷² 參見《大智度論》卷 7（大正 25，112c10-113a8），卷 40（353c24-354a1）。